

**1. JAVNA USTANOVA KANTONA SARAJEVO ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU, sa sjedištem u Sarajevu, ul. Patriotske lige br. 36, koju zastupa v.d. direktor dr.sci.med. Žana Pozderac, primarijus, specijalista interne medicine-subspecijalista kardiolog (u daljem tekstu: Izvršilac usluga), i**

**2. UNIVERZITET U SARAJEVU, sa sjedištem u Sarajevu, ul. Obala Kulina - bana br.7/II, koga zastupa rektor prof.dr. Rifat Škrijelj (u daljem tekstu: Naručilac usluga)**

*Zaključili su dana 06.10.2017.godine*

## **UGOVOR O PRUŽANJU ZDRAVSTVENIH USLUGA**

### **Član 1.**

*Predmet ovog Ugovora: obavljanje sanitarnog i sistematskog ljekarskog pregleda zaposlenika Univerziteta u Sarajevu (prema dostavljenom spisku) u periodu od 23.10.2017.godine – 25.10. 2017. godine.*

### **Član 2.**

*Sadržaj usluga sistematskog pregleda:*

- *proširene laboratorijske pretrage (kompletna krvna slika, diferencijalna krvna slika, sedimentacija, urin, urea, kreatinin, ŠUK, bilirubin, ASAT, ALAT, GGT, holesterol, željezo, trigliceridi, ac.uricum, proteinogram),*
- *ljekarski pregled specijaliste interne medicine – subspecijaliste kardiologa sa očitanjem EKG-a i nalazom,*
- *ljekarski pregled specijaliste neuropshijatra,*
- *mišljenje psihologa,*
- *ljekarski pregled specijaliste medicine rada sa izvještajem.*

*Sanitarni pregled (uzimanje i pregled brisa nosa i grla na betahemolitički sreptokok grupe A, uzimanje i pregled koprokulture) obaviti će nadležna institucija JU Zavod za javno zdravstvo Kantona Sarajevo, u utvrđenom terminu, u prostoru Izvršioca usluga. Sanitarni pregled podrazumijeva sanitarnu knjižicu i upis rezultata u istu.*

### **Član 3.**

*Ugovorne strane saglasne su da cijena sistematskog pregleda sa navedenim sadržajem iz člana 2. ovog Ugovora, a u skladu sa Ponudom Izvršioca usluga, broj 03-01-1850/2017 od 27.09.2017.godine, pojedinačno po zaposleniku, bez PDV-a, iznosi 40,00 KM, a sa uračunatim PDV-om pojedinačna cijena iznosi 46,80 KM.*

Ukupna cijena koštanja sistematskog pregleda za 76. zaposlenika bez PDV-a, u skladu sa Obrascem za cijenu ponude iznosi 3.040,00 KM, a ukupna cijena sistematskog pregleda za 76. zaposlenika sa uračunatim PDV-om iznosi 3.556,80 KM.

Ugovorne strane saglasne su da cijena sanitarnog pregleda iz člana 2. ovog Ugovora, u skladu sa Izvršioca usluga, broj 03-01-1850/2017 od 27.09.2017.godine, iznosi 25,00 KM po zaposleniku, bez PDV-a, jer isti ne podliježe obračunu PDV-a.

#### Član 4.

Plaćanje po ovom Ugovoru će se izvršiti po obavljenim pregledima svih zaposlenika Naručioca, ispostavljanjem fakture od strane Izvršioca usluga. Naručilac se obavezuje platiti fakturu u roku od 30. dana po prijemu iste.

#### Član 5.

Izvršilac usluga dužan je da za obavljeni sistematski ljekarski pregled izda izvještaj na obrascu ZP-2 za svakog zaposlenika.

#### Član 6.

Za dodatne usluge koje nisu obuhvaćene članom 2. ovog Ugovora, a koje Izvršilac usluga obavi na zahtjev Naručioca, cijena je utvrđena Tarifom zdravstvenih usluga FBiH.

#### Član 7.

Sve eventualne sporove po ovom Ugovoru ugovorne strane će rješavati sporazumno, a u protivnom je nadležan Sud u Sarajevu.

#### Član 8.

Ovaj Ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

#### NARUČILAC USLUGA

Rektor  
Prof.dr. Rifat Škrijelj

Broj: 0101-5507-3/17

Sarajevo, 06.10.2017

#### IZVRŠILAC USLUGA

V.d. Direktor  
Dr.sci.med. Zana Pozderac, primarijus  
spec.int.medicine-subspec.kardiolog

Broj: 03-02-1991/2017

Sarajevo, 10.10.2017